



UKA 2018/17  
10. oktober 2018  
Aqqaluk Heilmann

**Uunga siunnersuut: Meeqqanut tapiissutit pillugit Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2018-imeersoq (Naatsorsuinnermut periaaseq nutaaq, aningaasarsiat akileraarutaasussat maannakkorpiaq aningaasarsianit taarserneqarput aamma procenti aaqqiissutissaq atorlugu meeqqanut tapiissutit aaqqiivigineqartarneri)**

(Isumaginninnermut Inatsisinillu Atuutsitsinnermut Naalakkersuisoq)

1. juli 2018-imiit ukiumoortumik procenti aaqqiissutissaq atuutilersinneqartoq ukiumi naatsorsuiffiusumi procenti aaqqiissutissaq tassaalluni, pisortani atorfillit ukiumi akissarsiaqarfiusumi aningaasarsiaasa ukiup siulianut naleqqiullugu allannguutaasa procentinngornerat.

Siunnersuummi Inatsisartut inatsisaanni meeqqanut tapiissutit aningaasartaasa annertunerpaaffissaat aalajangiunneqassaaq.

Ilutigisaanik siunnersuutigineqarpoq aningaasat taakku siunissami procenti aaqqiissutissaq malillugu aaqqiivigineqartassasut, ukiullu tamaasa isumaginninnermi ikiorsiissutit tunniunneqartartut pillugit kaajallaasitakkut tamanut saqqummiunneqartassasut.

Atassummiit erseqqissumik oqaatigiumavarput angajoqqaat meeqqaminnik pilersuisuusut aammalu kisermaajullutik meeqqaminnik perorsaasut ukiumut aningaasatigut isertitaat tunngavigalugu meeqqanik tapiisarnerup annertussuseqartitaanera isuma tapersorsoratsigu.

Immikkullu malugeqqarput kisimiillutik meeqqaminnik pilersuisuusut soorlu arnat piniarteqarnikkut ikiorteqanngitsut ullut tamaasa pisiniarfinni nerisassanik pisiniartartuusuni aningaasartuutigisartagaat qaffasinnerusinnaammata pingaartumik najugaqarfinni isorliunerusuni.

Kiisalu ilanngullugu taputartuukkusunnarpoq ikiorsiisarneq pillugu inatsisini aningaasatigut isertitat qummut killigi tunngavigalugit killissarititaasoq qaangerneqarneratigut tapiissutaasartunit ikiorneqarsinnaasarneq killeqalertarmat.

Angajoqqaat pilersuisussaataasut taperneqaratik akiliutigisartagaat annertusinnaasarput, soorlu Kommune-p najugarisami meeqqerivimmiititaqartarnermut akigitaasuni, ineqarnermut akit, kiassanerit kallerullu inneranut akiliutit ilanngullugit nammassinnaasarmatigut. Aaningaasatigullu atugassarititaasut inuussutissaqartitsiniarnermi killeqalersinnaasarlutik.



Taamaattumik Atassummiit soqutiginaateqartipparput meeqqanik tapiisarneq pillugu suli oqalliseqataanissarput naalakkersuisup inatsisartunut oqaluuserisassanngortitaanut.